

# **PANDUAN PENERBITAN KUISCELL**

## **PANDUAN PERMOHONAN PENERBITAN BUKU**

Penerbit KUISCELL ditubuhkan dengan matlamat untuk menyediakan kemudahan ke arah membantu dan menggiatkan staff akademik menghasilkan karya asli atau penulisan ilmiah bagi pembacaan para pelajar di samping menyediakan bahan bacaan kepada umum kepada masyarakat seluruhnya.

Bagi memastikan proses penerbitan dapat ditangani secara lancar, penulis atau bakal penulis dinasihatkan supaya menjadikan garis panduan ini sebagai bahan rujukan sepanjang menguruskan kerja-kerja penulisan atau penyediaan manuskrip.

Pihak penerbit KUISCELL sentiasa mengalu-alukan cadangan manuskrip buku dan berbesar hati untuk menilai cadangan-cadangan penerbitan yang dihantar.

## **PERMOHONAN MENULIS**

Setiap permohonan menerbitkan buku boleh dibuat dengan menghantar manuskrip yang telah disiapkan. Penulis yang berminat menghasilkan penulisan disarankan supaya menghantar permohonan kepada penerbit KUISCELL bersama-sama dengan manuskrip.

Prosedur ini adalah untuk memudahkan proses mengemukakan cadangan menghasilkan karya penulisan kepada Jawatankuasa Penerbitan untuk kelulusan sama ada layak atau tidak karya tersebut diterbitkan. Kelulusan adalah bergantung pada criteria yang ditetapkan oleh Jawatankuasa Penerbitan. Sekiranya permohonan yang dihantar lengkap proses penerbitan akan mengambil masa selama empat [4] bulan untuk proses penilaian, penyuntingan, pra cetak dan pencetakan. Bagaimanapun jangka masa ini tertakluk kepada tempoh masa diambil untuk proses penilaian dan penyuntingan manuskrip.